


TEZĂUR LITURGIC

28 MAI

ACATISTUL SF. CUVIOS- MĂRTURISITOR IRACLIE MOTIAH DE LA ISK-KULSKI



MOSCOVA, 2000



Акафист
преподобному схимонаху
Ираклию, исповеднику
земли Кыргызской

Кондак 1

Избранный Богом для служения и просвещения кочевых племен в Туркестанском краю,/ похвальная восписуем Ти, исповедниче Ираклие,/ Ты же яко имея дерзновение ко Святей Троице,/ молися о всех нас, со умилением зовущих Ти,/ Радуйся, исповедниче Ираклие, схимонахе праведный.

Икос 1

Ангельскому житию подражая, подвизался еси, на ниве духовней, и промыслом Божиим послан был еси, для просвещения кочевых народов в Туркестанском краю, тем же явился еси истинный подвижник и украститель нашей земли, и тако со смиренным сердцем, умиленно глаголем Ти сицевая:

Радуйся, земли нашей просветителю;

Радуйся, богомудрый учителю;
Радуйся, столпе веры и благочестия;
Радуйся, обличителю нечестия;
Радуйся, увеселения мирские отвергнувый;
Радуйся, богатства земные возненавидевый;
Радуйся, Богу единому послуживый;
Радуйся, путь в Царство Небесное указавый;
Радуйся, исповедниче Ираклие, схимонахе праведный.

Кондак 2

Видя Господь, труды Твоя к достижению Небеснаго Царства, сподобил Тя исповеднического пути, ты же со смирением приял и исполнил еси послушание данное Тебе, и тако паки прославил еси всещедрого Бога, вопия Ему: Аллилуиа.

Икос 2

Разумел еси Богомудре Ираклие, яко всякий образ мира сего, суетно есть. И тако видевше разорение монастыря своего не убоялся еси, и паки ушел в скит на горах подле града Верного,

и подвизался еси там, мы же дивящися твоему житию вопием ти таковая:

Радуйся, по разорении монастыря упование на Бога возложивый;

Радуйся, действенный христианского любви и упования проповедниче;

Радуйся, веры Христовой непобедимый исповедниче;

Радуйся, всякия испытания во спасение души понести готовый;

Радуйся, исповедников Божиих сопричастниче;

Радуйся, земле нашей похвало;

Радуйся, истину несый;

Радуйся, Богу и людям, всего Себе послужити подвигнувый;

Радуйся, исповедниче Ираклие, схимонахе праведный.

Кондак 3

Силу свыше имел еси, и на путь истинныя веры наставляял еси, учил еси вся благочестно

жити и в правой вере пребывати, и паки сим прославил Господа, вопия Ему: Аллилуиа.

Икос 3

Имел еси в себе, праведный отче, страх Господень, смирение и любовь, и при сих добродетелях посвятил еси, себя молитве и трудам, во благо Церкви, и в годину лютых гонений и нестроений в Церкви, твердо стоял в православии, а ныне с лики исповедников Божиих предстоиши престолу Всех Царя, мы же радуящиеся о тебе, зовем ти сице;

Радуйся, сонаследниче праведнаго лика исповедников, Богославнаго;

Радуйся, сопричастниче веры Христовой;

Радуйся, житием своим, пример нам подавающий;

Радуйся, противоборче всякаго греха;

Радуйся, стяжателю Божьего благоволения;

Радуйся, силою молитвы себя ограждавший;

Радуйся, исполнителю всякой правды

Радуйся, исповедниче Ираклие, схимонахе праведный.

Кондак 4

Бури искушений воздвигоша врази, на тебя, праведный Ираклие, ты же силою благодати Христовой, победил вся сопротивныя. Гонений и мучений не убоялся еси, и ныне ты еси, с лики победивших мирскую суету, прославляеши Бога, вопия Ему: Аллилуиа.

Икос 4

Пожил еси чистое житие, подобно Отцам Церкви Русской, и паки возсиял еси, столпе веры и утверждения, народ азиатский просвещал еси, и твердо веру Христову защищал еси, и ныне мы ублажаем тя исповедниче дивный и приносим тебе хвалебную песнь:

Радуйся, плоть со страстьми и похотьми поправый;

Радуйся, житием своим суету мирскую обличивший;

Радуйся, всякое пристрастие от себе отгнавый;

Радуйся, житие свое с игом исповедничества связавый;

Радуйся, подвигов ревнителю;

Радуйся, чистоты усердный хранителю;

Радуйся, всего себе Христу всесовершенно предавый;

Радуйся, за веру Христову пострадавый;

Радуйся, исповедниче Ираклие, схимонахе праведный/

Кондак 5

Боготечною звездою протекл еси на земли, и в сияние святости возшел еси на Небеса, и ныне подаеши всем обильныя милости, исповедниче Ираклие, и тако ныне в славе вечной на Небесех пребудеши, и воспеваеши Христу: Аллилуиа.

Икос 5

Видяще труды Твоя, праведный Ираклие, подвигоположник сам Христос, сподобил тя облекостися в священныя ризы схимы великой, и дарова Тебе почерпати Ангельския Благодати, сего ради воспеваем Ти сицевая:

Радуйся, подвигом монашеским воин доблественный;

Радуйся, ангельскому житию подражателю дивный;

Радуйся, всем сердцем Своим Бога возлюбивший.

Радуйся, душею Ему послуживший;

Радуйся, всего себя воле Божьей предавший;

Радуйся, на Него надежду возложивый;

Радуйся, любви Евангельския сокровище;

Радуйся, Духа Святаго вместилище;

Радуйся, исповедниче Ираклие, схимонахе праведный

Кондак 6

Исповедник Царствия Божьего и православныя веры явился еси, дивный Ираклие, и многия от адского пути обратил ко Христу Жизнодавцу, сего ради вси вопием Ему: Аллилуиа

Икос 6

Воссиял еси яко свеща многосветлая, земли Азиатской, терпением своим победил вся скверныя мира сего, взирая на земную жизнь Жизнодавца, достигл еси Небесный Чертог, мы же восхваляюще тя, усердно вопием:

Радуйся, в подвигах Богу в мире проживый;

Радуйся, терпению Христову подражавый;

Радуйся, в житии своем вся ухищрения сатанины поразивый;

Радуйся, яко в годину скорби, твердо в вере стоявый.

Радуйся, во всем наставниче мудрый;

Радуйся, силу заповедей Христовых постигнувый;

Радуйся, в сердце своем Христа всегда имевый;

Радуйся, яко за сие от Христа венец получивый;

Радуйся, исповедниче Ираклие, схимонахе праведный.

Кондак 7

Хотя последовати Христу, подражал Ему всеусердно, приял на себя иго Его, и научился от Него кротости и смирению и по сем обрел душе своей вечный покой, зовущей присно: Аллилуиа.

Икос 7

Дивный воин в духовной брани, оказался еси, демонския погубил еси полки и ангельския

достигл еси чины, мы же с трепетом вопием ти тако:

Радуйся, подражатель во смирении Христу.

Радуйся, учителю благочестиваго поведения.

Радуйся, противоборче гордости людской;

Радуйся, истиннаго послушания подвижнице;

Радуйся, образе Богу вернаго служения;

Радуйся, от тли греховной воскресение;

Радуйся, хитростей века сего обличителю;

Радуйся, заблудших исправителю;

Радуйся, исповеднице Ираклие, схимонахе праведный.

Кондак 8

Странником и пришельцем в мире сем предстал еси, о часе кончины своея помышления имел еси всегда, исповедническими трудами и постом Царство Небесное стяжал еси, и молитвы своя ко Господу возсылал еси, поя Ему: Аллилуиа.

Икос 8

Всего себе от юности, на служение Христу посвятил еси, праведный отче Ираклие, блаженный конец приим и по смерти венец от Бога приял еси, за труды твоя, и ныне в блаженстве вечном прославляеши Троицу Святую, вси же чада твоя, восписуют ти сие:

Радуйся, злобы демонския не устрашивыйся;

Радуйся, твари падшей не послуживый;

Радуйся, веру свою во искушениях сохранивый;

Радуйся, власти безбожной не покоривыйся;

Радуйся, защитником твердым веры истинныя явивыйся;

Радуйся, во всем житии твоём, в вере православной быв;

Радуйся, лжеверы обличивый;

Радуйся, исповеднический крест несый;

Радуйся, исповедниче Ираклие, схимонахе праведный.

Кондак 9

Вся силы Небесныя радостно ты прияша, богомудре, подвиг земнаго жития прошел еси, и исповеднический путь совершил еси, и ныне со всеми святыми воспеваеши Христу Богу: Аллилуиа.

Икос 9

Витийства суемудрых, не ведавших Бога обличил еси, и вся силу веры правыя показал еси, обличил языческое нечестие и покориł бесовския полки. Мы же дивящеся трудом твоим, умиленно глаголем ти:

Радуйся, в житии твоём Христу подражавый;

Радуйся, яко корни истины повсюду насаждавый;

Радуйся, яко многих приведый ко спасению;

Радуйся, обративый грешников к покаянию;

Радуйся, сеятелю христианских добродетелей;

Радуйся, любви и вере нас научивый;

Радуйся, в беззаконии обличивый нас;

Радуйся, всех помнящих тебя покрове;

Радуйся, исповедниче Ираклие, схимонахе праведный.

Кондак 10

Спасти хотя душу свою от мучений вечных, понесл еси на себе подвиг монашескаго жития, приял еси и крест исповедания веры в далеком от Святой Руси краю. Со смирением и тщанием выполнял сие, вопияше Богу: Аллилуиа.

Икос 10

Стеной еси и ограждением явился еси, молитвенником земли Кыргызской показался еси всем, дивный Ираклие, верным в скорбех и нуждах быстрое поможение, от бед и напастей щит и ограждение, за твои великие милости к нам, неустанно зовем ти тако:

Радуйся, призывающим тя скорый помощниче;

Радуйся, чистот духовных сокровище;

Радуйся, недугов целителю;

Радуйся, всея Церкви украсителю;

Радуйся, ангельский образ и чистоту душевную предызбравый;

Радуйся, принятием схимы себе всего Богу отдавый;

Радуйся, всю жизнь свою обетами иноческими украсивый;

Радуйся, во всем житии твоём Богу верно послуживый;

Радуйся, исповедниче Ираклие, схимонахе праведный.

Кондак 11

Пение приносим ти, великий Ираклие, от сердец наших к Тебе возносимое, и прибегаем к твоему предстательству, не презри моление наше, к Тебе возносимое, и пред иконой твоей чудной проливаем слезы покаяния, вопия: Аллилуиа.

Икос 11

Светлыми лучами подвигов твоих, облистался еси, ныне сияеши еси во славе вечной, исповедниче дивный, поминающе скорое всем поможение, вопием Ти сице:

Радуйся, воине Христов, мирскую жизнь оставивый;

Радуйся, Богу в Троице Единому послуживый;

Радуйся, бесов одоление;

Радуйся, подающий многия исцеления;

Радуйся, обители Небесныя удостоивыйся;

Радуйся, горния славы приобщивыйся;

Радуйся, зеркало добродетели;

Радуйся, угодниче Божий всехвальный;

Радуйся, исповедниче Ираклие, схимонахе праведный.

Кондак 12

Благодать Божию за труды своя унаследовал еси, и ныне помогаеши нам во всяких бедах и обстояниях, мы же благодарственно вопием Ти: Аллилуиа.

Икос 12

Поем честныя подвиги твоя, величаем равноангельное житие твое, восхваляем святую память твою Ираклие, дивне, и прославляюще Господа, вопием Ти сицевая:

Радуйся, града нашего похвало и ограждение;

Радуйся, всем инокам полезное наставление;

Радуйся, добродетели в себе изобразивый;

Радуйся, исповеднический путь возлюбивый;

Радуйся, в жизни сей нам руководителю;

Радуйся, правды ревнителю;

Радуйся, фимиам благовонный;

Радуйся, пред престолом Бога наш твердый
предстателю;

Радуйся, исповедниче Ираклие, схимонахе
праведный

Кондак 13

О святой праведный отче Ираклие, от грешных сердец прими недостойную песнь сию. Прими ю от нас яко усердную жертву сердец, любящих и величающих святую память твою. Охраняй нас молитвами своими, огради град сей и храм сей от диавольских напастей, искушений антихристовых, яко да находящися под твоим усердным заступлением, прославим Бога, вопия Ему: Аллилуиа, Аллилуиа, Аллилуиа.

(Сей кондак читается трижды)



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НУЖЕ
НЕБО**